

<http://ugtg.org/spip.php?article371>



Slam - Sendikalis

- Repères - Lire -



Date de mise en ligne vendredi 20 juin 2008

Copyright © UGTG.org - Tous droits réservés

On poèm, slam an boula djèl, pou on vayan konbatan...

**An pa té la
An tann di,
Lè an chèché savé
An bigidi !**

Nonm é fanm gwadloup
Sanblé douvan jou
Pou dinité a travayè.
Lespwi a yo ka pétyé
Kon chouk a bwa an flanm difé
Yo kalbandé chenn la o séryé
Pou fè nonm, respekté nonm.

**Kanmarad, ou sé on nèg mawon
Ou aprann boula, san janmen fébli
Ou aprann maké, san janmen koda
Lonè a péyi aw ki an tèt aw.**

An koumansman a koumansman
Té ni on ti pilo nom
Ki rèfisé mèt pyé a tè

Apwé répwésyon sendikal
Ki boulvèsé an 67
Pitit a péyi la.

Sé nonm la sa
Té enkyèt pou divini a péyi gwadloup
É sé kon sa
Evè fos a ponnyèt é konprinèt a yo
Yo rivé maké koumandman
A primié sendika gwadloupéyen
Ki wouvè chimen pou lé zot :
ITA ...IPG, IGTG.

Lagè déclaré
Kont lenjistik, awogans, mépwi
Dé gawoulé ki ou méné
É kè pon liv lékol pa ka rapoté.

**Fabè, ou sé on poto mitan
Féblès aw, sé fos aw**

**Toujou paré pou poté solidarité,
Lanmou a nonm ki an kè aw.**

Ou méné kous,
Mé ou pa té tou sèl
Owa aw, dé nonm é fanm gyok
Doubout o ka
Ka gouné lannwit kon jou
Pou fè konba la vansé
É fè péyi la arété maché si tèt.

**Woulo pou'w Fafa
Mèsi pou sa'w ja poté
Asiré pa pétèt
Minisyon aw pokò fini
Pas ou sé on vayan konbatan !**

M.C.